

# مصر بتلم الجراح

بقلم : الأستاذ عمر عسل

وكيل وزارة الري ، وعضو مجلس ادارة رابطة الزجالين

مصر دايمما للامام  
ابنها في القدس صلى  
بالعمل مش بالكلام  
والسلام كان الامام

\* \* \*

رحنا صلينا وراه  
ربنا يسمع دعاه  
كلنا كنا معاه  
للمحبة والسلام

\* \* \*

يا بطل حر وصريح  
قلت دا العالم جريح  
ماشي في درب المسيح  
ليه تزيد فيه الالام

\* \* \*

يا للى خليت السنين  
ماشي مرفوع الجبين  
تاجك النصر المبين  
رجعت لى الابتسام

\* \* \*

رحله كانت للقضيه  
خدت للدنيا هديه  
والهنا والانسانيه  
من زتون شالها حمام

\* \* \*

واللى غاضب واللى رافض  
مهما كان نابح وعاضض  
لجل كان مرتاح وقابض  
احنا ماسكين الزمام

\* \* \*

اما اصحاب العقول  
اللى وازنين الحلول  
اللى عارفين الاصول  
بالدراهم والجرام

\* \* \*

قالوا مصر ام الحضاره  
بالتعقل والجساره  
اللى رح تفضل مناره  
ابنها سمى وقام

\* \* \*

قام وكبر للمبادره  
عن امل للناس في بكره  
عن اراده عاليه حره  
بعد ما طال الخصام

\* \* \*

مصر راح منها اللى راح  
مصر يا احلا صباح  
مصر بتلم الجراح  
مصر يا بدر التمام

\* \* \*

ياما ضحيتى لفيرك  
رغم ثقل الحمل ، سيرك  
من ولاد ارضك وخيرك  
للمهدف صح وتمام

\* \* \*

يا سادات كمل مسيرك  
والاله عوه نصيرك  
ياللى وحيك من ضميرك  
واحنا وياك ع الدوام

\* \* \*

مصر دايمما للامام  
ابنها في القدس صلى  
بالعمل مش بالكلام  
والسلام كان الامام